

ՍՈՑԻԱԼԱԿԱՆ

ՄԵՊՏԵՄԲԵՐԻ 1-ԻՑ ԿԵՆՍԱԹՈՇԱԿՆ ԱՎԵԼԱՑԵԼ Է 10 ԼԱՐԻՈՎ

(Սկզբը՝ 1-ին էջում) Ինչ վերաբերում է կենսաթոշակների ընդհանուր գումարի ավելացմանը, ապա այն կազմում է տարեկան 30 միլիոն լարի եւ նախատեսված է երկրի բյուջեում»,- հայտարարեց Ջազա Սոպրոնաձեւը:

ՍԱՀՄԱՆՎԵՅ ԿԵՆՍԱԿԱՆ ՆՎԱԶԱԳՈՒՅՆԸ

Ինչպես տեղեկացրել է Վրաստանի վիճակագրության ազգային ծառայությունը, ընթացիկ տարվա օգոստոսի 1-ի դրությամբ, Վրաստանում աշխատունակ տղամարդու համար կենսական նվազագույնը կազմել է 155,6 լարի, միջին սպառողի համար՝ 137,8 լարի, միջին ընտանիքի համար՝ 261 լարի:

Ծառայության տեղեկատվությամբ, ընթացիկ տարվա հունիսին Վրաստանում արժեզրկումը կազմել է 0,02 տոկոս:

Նշենք, որ ծառայության տեղեկատվությամբ, ընթացիկ տարվա սկզբին, աշխատունակ տղամարդու համար, ըստ վիճակագրական տվյալների, կենսական նվազագույնը կազմում էր 159,4 լարի, միջին սպառողի համար՝ 141,2 լարի, միջին ընտանիքի համար՝ 267,4 լարի:

ԹԲԻԼԻՍԻՈՒՄ ԷԼԵԿՏՐԱԷՆԵՐԳԻԱՅԻ ՍԱԿԱԳԻՆԸ ԱՎԵԼԱՑՎԵՑ



Վրաստանի էներգետիկայի եւ ջրամատակարարման կարգավորման ազգային հանձնաժողովը սեպտեմբերի 3-ին ընդունեց որոշում թբիլիսիում էլեկտրաէներգիայի սակագինը 36 տոկոսով ավելացնելու վերաբերյալ:

Նշենք, որ սակագին ավելացման պահանջով, հանձնաժողովին դիմել էր էլեկտրակարգավորման թԵԼԱՍ-ի ընկերությունը: Որպես պահանջի հիմնավորում, ընկերությունը ներկայացրել էր ազգային տարադրամի լարիի արժեզրկման փաստը:

ԹԵԼԱՍ-ի ընկերության արձեռնակների համար, ովքեր սպառում են մինչեւ 101 կիլովատ ժամ էլեկտրաէներգիա, սակագինը առանց հավելյալ արժեքի հարկի (ՀԱՀ) հասցվում է 12,980 քեթրի, 101-ից մինչեւ 301 կիլովատ ժամ սպառողների համար՝ սակագինը հասցվում է 16,992 քեթրի, իսկ առանց ՀԱՀ-ի հաշվառման, 301 կիլովատ ժամից ավելի սպառողների համար սակագինը հասցվում է 21,476 քեթրի:

Ինչպես ասաց Վրաստանի էներգետիկայի փոխնախարար Մարիամ Վալիշվիլին, սակագնի ավելացման դեպքում, պետությունը կմարի բնակչության առանձին կատեգորիաների համար հավելավճարը:

ՊԱՎԻԹ ՄԵՐՔԵՆԿՈ «ԱՌՈՂՋԱԿԱՆ ԵՎ ՍՈՑԻԱԼԱԿԱՆ ՈՉ ՄԻ ՆԱԽԱԳԻԾ ԶԻ ԿՐՃԱՏՎԻ»



Վրաստանի կառավարության հերթական նիստի ավարտից հետո, առողջապահության նախարար Պավիթ Մերքենկոն հայտարարեց, որ առողջապահական եւ սոցիալական ոչ մի նախագծի կրճատում չի ծրագրվում:

Նրա խոսքերով, գործադիր իր նիստում չի քննարկել բյուջեի հստակեցման հարցը: «Կարող եմ միանշանակորեն հաստատել, որ առողջապահական եւ սոցիալական ոչ մի նախագծի կրճատում չի ծրագրվում: Ամեն ինչ մնում է ուժի մեջ եւ կիրականացվի՝ ըստ մշակված ծրագրի: Այսօր բյուջեի հստակեցման մասին խոսք չի եղել»,- ընդգծեց նախարարը:

ԹՈՇԱԿԱՌՈՒՆԵՐԻ ԸՆԴՀԱՏՎԱԾ ՕԳՆՈՒԹՅՈՒՆԸ ԿՎԵՐԱԿԱՆԳՆՎԻ

Ինչպես հայտարարեց Վրաստանի առողջապահության փոխնախարար Ջազա Սոպրոնաձեւը, այն միայնակ կենսաթոշակառուների օգնությունը, որի հանձնումը որոշակի ժամանակահատվածում դադարեցվել էր օգոստոսի 20-ից, վերականգնվել է:

Նրա խոսքերով, արդեն սկսվել է միայնակ կենսաթոշակառուներին նպաստների հանձնման վերականգնման այն գունարների հանձնումը, որոնք հաստատվել են Վրաստանի կառավարության կողմից ընդունված փոփոխություններից հետո: Փոխնախարարի խոսքերով, նախարարության կողմից մանրամասն ուսումնասիրվել է սոցիալապես անպաշտպան ընտանիքների իրավիճակը: «Սոցիալական սպասարկման գործակալությունը, ներկա դրությամբ, գրանցել է 1 միլիոն 600 հազար մարդ: Բնականաբար, պետությունը չի կարող բոլորին սոցիալական օգնություն ցուցաբերել, ուստի կկիրարկվեն օգնության հանձնման այլ միջոցներ»,- նշեց փոխնախարարը:

ՍՈՑԻԱԼԱԿԱՆ ԱՆՊԱՇՏՊԱՆՆԵՐԻՆ ԿՏՐՎԵՆ ԿՈՍՏՈՒՆԱԼ ՎԱՌՉԵՐՆԵՐ

Թբիլիսիի սակրեբուլոյի նախագահ Գիորգի Ալիբեգաշվիլին, մեկնաբանելով կոմունալ վառելիքների հանձնման կապակցությամբ ընդդիմության քննադատությունը, հայտարարեց, որ այդ ուղղությամբ որոշակի ամիսներում կեն նկատվել: «Առաջին հերթին, մենք պետք է օգնենք պարբերաբար կարիքի մեջ գտնվող քաղաքացիներին: Այն քաղաքացիների նկատմամբ, ովքեր ունեն որոշակի եկամուտ եւ կարողանում են բավարարել նվազագույն պահանջները, բնականաբար, այլ մոտեցում է մշակվելու: Սոցիալապես ոչ մի անպաշտպան առանց վառելիքի չի մնա»,- հայտարարեց Ալիբեգաշվիլին: Նրա խոսքերով, ներկայումս հստակեցվում են ցուցակները, քանի որ շատերը, ովքեր սկզբունքորեն դրա կարիքը չունեին, ստանում էին սոցիալապես անպաշտպաններին վերապահվող վառելիքները:

ՎԻՉԱ ԵՐԿՐՆԵՐ, ՈՒՐ ԿԱՐԵԼԻ Է ՄԵԿՆԵԼ ԱՌԱՆՑ ԱՅՑԵԳՐԻ



Վրաստանում շատերն են սպասում եվրամիության հետ անայցեգրային պայմանակարգի հաստատմանը: Թնայեւ, ներկա դրությամբ, Վրաստանի քաղաքացիները կարող են առանց այցեգրերի լինել շուրջ 12 երկրներում:

Վրաստանի քաղաքացու անձնագրով, առանց այցեգրի գտնվելու ժամկետը չի սահմանափակվում Հայաստանում, Ադրբեջանում, Բելառուսում, Տաջիկստանում, Մոլդովայում, Ուզբեկստանում, Ուկրաինայում եւ Ղրղզստանում: Ղազախստանում եւ Թուրքիայում առանց այցեգրի գտնվելու ժամկետը առավելագույնս 90 օր է, Իրանում՝ 45 օր:

Ինչ վերաբերում է Իսրայելին, որտեղ

Վրաստանի քաղաքացիների համար այցեգիրը հանվեց վերջին ժամանակներում, երկրի տարածքում գտնվելու առավելագույն ժամկետը 180 օրվա ժամանակահատվածում սահմանափակվում է 90 օրով:

Մի շարք երկրների սահմանագծում, Վրաստանի քաղաքացիները կարող են ստանալ երկիր այցելելու այցեգիր: Այդ երկրներն են՝ Եգիպտոսը, Շրի Լանկան, Լիբանանը, Հորդանանի Թագավորությունը, Ջամայկան, Նեպալը, Քուվեյթի Թագավորությունը, Մադագասկարը, Մալդիվների Հանրապետությունը, Տուվալուն, Հայիթի, Ջիբութի եւ այլն:

ՏՐԱՆՍՊՈՐՏ

«ՃԱՆԱՊԱՐՀԱՅԻՆ ԵՐԹԵՎԵԿՈՒԹՅԱՆ ՄԱՍԻՆ» ՕՐԵՆՔԻ ՓՈՓՈԽՈՒՄԸ ՆԱԽԱՏԵՍՈՒՄ Է ՏԵԽՆՍՈՒԳՄԱՆ ՎԵՐԱԿԱՆԳՆՈՒՄ

2017 թվականի սկզբից բոլոր ավտոմեքենաների համար պարտադիր տեխնիկական ստուգման ներդրումը թույլ կտա բարելավել էկոլոգիական վիճակը:

Պարտադիր տեխնոլոգիաների վերականգնման որոշումը Վրաստանի խորհրդարանն ընդունել էր 2015 թվականի փետրվարին: Համաձայն օրենքում կատարվող փոփոխությունների, մինչեւ 2017 թվականի դեկտեմբերի 31-ը, պարտադիր տեխնիկական ստուգում են անցնելու բոլոր այն տրանսպորտային միջոցները, որոնք գործում են Վրաստանի տարածքում, օրենքի համաձայն գրանցված են: Պարտադիր տեխնոլոգիաներ են ենթակա բեռնատար ավտոմեքենաները, որոնք բեռնատարողություն



մար տեխնոլոգիան անցկացումը մինչեւ 2017 թվականի դեկտեմբերի 31-ը մնում է կամավոր:

ԻՐԱՎԱԿԱՆ

ԻՆՉՊԵՍ ՄՏԱՆԱԼ ԺԱՌԱՆԳՈՒԹՅԱՆ ՎԿԱՅԱԿԱՆ

Ժառանգությանը տրված գույքի սեփականատերը դառնալու համար, անհրաժեշտ է նոտարից ստանալ ժառանգության վկայականը:



Ժառանգության վկայականի ստացման

համար պետք է դիմեք Վրաստանի տարածքում գործող ցանկացած նոտարին՝ ժառանգատուի (գույքի սեփականատիրոջ) մահվան օրվանից վեց ամսվա ընթացքում, եւ ներկայացնեք դիմում ժառանգության ստացման վերաբերյալ:

Վեց ամիս անց, ներկայացված դիմումի հիման վրա ժառանգության վկայական կստանաք միայն ստորեւ ներկայացված հետեւյալ դեպքերում.

\* Եթե գրանցված եք նույն բնակարանային տարածքում, որտեղ ապրում էր ժառանգատու:

\* Եթե նոտարին ներկայացնեք ժառանգատուի տնային գույքը, նրան պատկանող տրանսպորտի միջոցով տեխանձնագիրը, նաեւ՝ մուկիցիպալիտետի կողմից տրված տեղեկանքը գույքի սեփականության վերաբերյալ եւ կոմունալ հարկերի վճարման կտրոնը (հարկերը պետք է վճարված լինեն ժառանգատուի սեփականության ներքո գտնվող գույքի հասցեով՝ նրա մահվանից վեց ամսվա ընթացքում):

\* Եթե ստացել եք մյուս ժառանգորդների համաձայնությունը, ժառանգության վկայականի ստացման հարցում դրա դիմումը ներկայացնելու օրենքով սահմանված ժամկետում, միայն թե մնացած ժառանգորդները վեց ամսվա ընթացքում անձամբ պետք է նոտարին ներկայացնեն իրենց դիմումները:

Մյուս դեպքերում, եթե վեց ամսվա ընթացքում նոտարին դիմում չի ներկայացվել, հարկ է դիմել դատարանին:

Դատարանը կարող է երկարաժամկետ ժառանգության ստացման համար սահմանված ժամկետը, եթե համարի, որ երկարաժամկետ պատճառները հարգելի են:

Ժառանգության վկայականը տրվում է վեց ամսվա ժամկետի ավարտից հետո:

Վեց ամսից շուտ ժառանգության վկայականը տրվում է այն դեպքում, եթե նոտարը տեղեկանք է գտնում այն մասին, որ, ձեզանից բացի, այլ ժառանգորդ գոյություն չունի: Միաժամանակ, կարող եք հրաժարվել ժառանգության ստացումից: Նման դեպքերում ո՛չ դուք եւ ո՛չ էլ ձեր ժառանգները հետագայում ժառանգության ստացման պահանջարկ ներկայացնելու իրավունք չեք ունենա:

Ժառանգության վկայականի ստացումից հետո, գույքի սեփականության իրավունքը հանրային ռեեստրում գրանցումը ապահովում է նոտարը: Այս լրացուցիչ սպասարկման սակագինը չեք վճարում: Վճարում եք միայն հանրային ռեեստրում գրանցման սակագինը:

Ովքե՞ր են համարվում ժառանգորդները:

Առաջին կարգի ժառանգորդներն են՝ հանգուցյալի զավակները, որդեգիրները, կինը (ամուսինը), ծնողները, թոռները, նրանց երեխաները (եթե թոռը մահացած է), որդեգիրները եւ նրանց ազգականները:

Երկրորդ կարգի ժառանգորդներ են համարվում հանգուցյալի քույրերը, եղբայրները, քրոջ եւ եղբոր ժառանգները, վերջիններիս մահվան դեպքում՝ նրանց զավակները:

Երրորդ կարգի ժառանգորդներ են համարվում տատերն ու պապերը, վերջիններիս մահվան դեպքում՝ նրանց ծնողները: Չորրորդ կարգի ժառանգորդների թվին են պատկանում հանգուցյալի ծնողների քույր-եղբայրները:

Հինգերորդ կարգի ժառանգորդների թվին են պատկանում զարմիկները, վերջիններիս մահվան դեպքում՝ նրանց զավակները:

ԹՉ ԾՕ - ձ 2 ի 2 ռ Է 2 Ս 2 ՍԷ 2 1/2 Ս Է ձ ԾԾ ձ Ծ, Ս՞ Ծ

Ի 2 ժ Ի Է 2 Ի Ծ ձ

ԼԱԿ ՔՈՒՆ՝ ԼԱԿ ՀԻՇՈՂՈՒԹՅՈՒՆ



Վերջին ժամանակների անքնությունը, նկատելի են անմիջականորեն ազդում է ինչպես տրամադրության, այնպես էլ հիշողության վրա: Տրամադրությունը, հասկանալի է, սակայն քնելն ինչ կապ ունի հիշողության հետ:

Փ.Սիմոնյան

Թբիլիսի

Ամերիկյան հետազոտողները պարզել են, որ քնություններից առաջ անքուն գիշերներ անցկացնելու ուսանողների մեջ տարածված պրակտիկան սխալ է:

Բանն այն է, որ ստացված ցանկացած տեղեկություն յուրացվում է տպվում է հիշողության մեջ հենց քնի ժամանակ:

Փաստորեն, քունը պետք է մարդուն ոչ միայն հանգստի, այլև՝ ստացած ինֆորմացիան մշակելու համար:

Հետևաբար, գիտնականները խորհուրդ են տալիս դրանից օգուտ քաղել:

Եթե շատ ինֆորմացիա է կուտակվել, որը ցանկանում էք մտապահել, ուրեմն մի լավ քնեք:

ձ 2 ի Ծ 2 Ի 2 Ս Ծ ձ Օ ձ Ծ ձ Ծ

«ՆԱՊՈԼԵՈՆԸ»՝ Ի ՊԱՏԻՎ ԲՈՆԱՊԱՐՏԻ

Կյանկանայի իմանալ, որքանո՞վ է «Նապոլեոն» փորթի անվանումը առնչվում ֆրանսիական կայսր Նապոլեոն Բոնապարտին: Ա.Մարգարյան



Բոլնիսի

Իրոք, «Նապոլեոն» տորթի անվանումն անմիջականորեն առնչվում է ֆրանսիական կայսրին: Ըստ ամենատարածված վարկածի, այդ տորթի բաղադրատոմսը ծնվել է 1912 թվականին, բայց ոչ թե որպես տորթ, այլ որպես կարկանդակ: Այդ ժամանակ Ռուսաստանը նշում էր ֆրանսիացիներից Մոսկվայի ազատագրման 100-ամյա հոբելյանը: Համապատասխան հագուստներ էին կարվում, ցուցափեղկերն էին ձեւավորվում, գրվում էին հայրենասիրական բանաստեղծություններ: Խոհարարները նույնպես հետ չէին մնում «սոցիալական պատվերից»: Ընպետներ, կերակուրներ՝ ամենը հագեցած էր փառապանք պատմությամբ:

Եվ, ահա, հայտնվեց մի կարկանդակ, որը կազմված էր քաղցր կրեմով պատված ու իրար վրա


դարսված խմորի բազմաթիվ բարակ շերտերից: Այն պատրաստվում էր քառակուսածե ու անկյունագծով բաժանվում էր երկու կեսի: Եռանկյունաձև էլ վաճառվում էր: Քաղցրավենիքն անվանեցին «Նապոլեոն»:

Իսկ ի՞նչ կապ ուներ Բոնապարտն այս կարկանդակի հետ: 2 է՞ որ եթե անվանումը հաջող չլիներ, այն չէր գոյատևի: Պարզվում է, որ Լեոնոմոսովը ռուս ժողովրդի գիտակցության մեջ կայսրի կերպարն ամրագրել էր եռանկյունաձև գլխարկով. «Նա եռանկյունաձև գլխարկ էր կրում եւ արշավային գորշ սերոուկ»:

Այժմ եռանկյունաձև կարկանդակը տորթ է դարձել, սակայն շերտավոր քաղցրավենիքը մեզ համար, միեւնոյն է, մնացել է որպես «Նապոլեոն»:

ՀԵՏԱՔՐԹԻ Է

ՋԵՐՄԱՍՏԻՃԱՆԻ ԱՌԱՎԵԼԱԳՈՒՅՆԸ ՎԵՐՋԻՆ ՉՈՐՍ ՀԱՋԱՐ ՏԱՐՎԱ ԸՆԹԱՑՔՈՒՄ



NASA-ի փորձագետներն ու գիտնականները ճապոնիայի օրենսդրությանը համապատասխան (JMA) հետ համատեղ պարզել են, որ այս տարվա հուլիսին երկրագնդի ջերմաստիճանը առավելագույն ցուցանիշին է հասել վերջին 4 հազար տարվա ընթացքում, գիտնականների տվյալները ներկայացրել է Washington Post-ը:

Բացի այդ, մասնագետները եկել են այն եզրակացության, որ 2015 թվականի հուլիսը ամենատաք ամիսն է դարձել վերջին ավելի քան 200 տարվա ընթացքում:

Այդ եզրակացությանը մասնագետները հանգել են հիմնվելով մոլորակի ջերմաստիճանի աճի անուղղակի նշանների վրա, ինչպիսիք են, օրինակ, ծառերի տարեկան օղակները, մարջանները: Ինչպես նշում են գիտնականները, այդ ամենը թույլ է տալիս եզրակացնել, որ երկրագնդի ջերմաստիճանը բարձրացել է:

Գիտնականների տվյալների համաձայն՝ 2015 թվականի հուլիսին ջերմաստիճանն ըստ Ցելսիուսի 0,02 աստիճանով գերազանցել է նախորդ ռեկորդը, որը սահմանվել էր 2011 թվականի հուլիսին: Բացի այդ, նշվում է, որ այս տարվա յուրաքանչյուր ամիս տեղ է զբաղեցրել դիտարկումների ողջ պատմության ընթացքում ամենատաք ամիսների վարկանիշում: Այսպիսով, 2015 թվականն, անկասկած, կդառնա ռեկորդային բարձր ջերմաստիճանի տարի:

ԱՐՁԱԿՈՒՐԴԻՑ ՎԵՐԱԴԱՐՁԵՔ ՈՉ ԹԵ ԵՐԿՈՒՇԱԲԹԻ, ԱՅԼ՝ ՉՈՐԵՔՇԱԲԹԻ ԿԱՍ ՀԻՆԳՇԱԲԹԻ

Նախքան արձակուրդ գնալը, պետք է նախօրոք պլանավորել հանգիստը, որոշակի նախապատրաստական, կազմակերպչական աշխատանքներ իրականացնել: Հոգեբանների խոսքերով, նախապատրաստական աշխատանքները մի կողմից գերծ են պահում սթրեսային հետագա վիճակներից, մյուս կողմից ապահովում են լիարժեք հանգիստը: Կարևոր է նաև նախքան արձակուրդ գնալը, կիսատ գործերն ավարտին հասցնել եւ պլանավորել վերադառնալ աշխատանքի ոչ թե երկուշաբթի օրվանից, այլ՝ չորեքշաբթի կամ հինգշաբթի, քանի որ այս պարագայում աշխատանքային շաբաթը կրճատվում է եւ աշխատանքին ադապտացվելն ավելի հեշտ է լինում:



Ըստ հոգեբանի՝ արձակուրդը կարևոր նախապայման է առողջության եւ հետագայում արդյունավետ գործունեության համար: Հոգեբանները նաև գտնում են, որ հետարձակուրդային դժվարությունները կախված են նաև արձակուրդի տեսակաճանությամբ ու բովանդակությամբ:

Ըստ հոգեբանների, բնական է, երբ որ արձակուրդի վերադառնում են, ադապտացիայի հետ կապված որոշակի դժվարություններ են լինում, քանի որ հանգստի ընթացքում օրգանիզմում փոխվում են կենսաբանական եւ հոգեբանական ռիթմերը, հետևաբար դժվար է միանգամից անցնել աշխատանքային գործունեությանը: Այս ամենն անհատական է, կան է՛լ արագ, է՛լ դանդաղ ադապտացվող մարդիկ: Մարդը արձակուրդից հետո աշխատանքի վերադառնալիս միանգամից պետք է չանցնի գործի, պետք է ծանոթանա աշխատանքային պլանին, ծրագրի իր հետագա անելիքները եւ քիչ-քիչ սկսի ադապտացվել իր աշխատանքին:

Առաջին ամգամ հետարձակուրդային համախտանիշի մասին նշել են գերմանացի գիտնականները 20-րդ դարի 80-ական թվականներին՝ հաշվի առնելով այն, որ արձակուրդից վերադառնալուց հետո, աշխատողների մոտ նկատվում է մտավոր կարողությունների ակտիվության նվազում, բացի դրանից նրանք գանգատվում են փորձակի բացակայությունից, նյարդայնությունից, երբեմն նկատվում է ճնշման տատանում, իսկ գլխավոր գանգատը աշխատելու ցանկության բացակայությունն է:

ՕԳՏԱԿԱՐ ԽՈՐՀՈՒՐԴ

ՀԻՍՏԵՐԻԱ՝ ՀԱՆԳԱՏԱՑՄԱՆ ՄԻՋՈՑՆԵՐԸ



Հիստերիան նյարդահոգեբանական հիվանդություն է, որը կարող է դրսևորվել նույնիսկ այն դեպքում, երբ մարդը լիովին առողջ է: Մեր ժամանակներն այնպիսին են, որ բոլորն էլ բազում խնդիրներ ունեն:

Հիստերիկ նուպան պետք է տարբերել ընկնավորության նուպայից եւ կաթվածի դեպքում առաջացող ուշագնացությունից: Հիստերիայով հիվանդը սովորաբար աստիճանաբար է ընկնում, հարմար տեղում, առանց վնասվելու: Գիտակցությունը պահպանվում է, շնչառությունը չի խանգարվում, սակայն հիվանդն օգնության կարոզ է պահանջում:

րիք ունի: Անհրաժեշտ է օտարներից հեռացնել, նաշատիրի սպիրտ տալ եւ հիվանդի շուրջ հանգստություն պահպանել: Այդպիսի պայմաններում նա արագ կհանգստանա:

**Հանգստացնող միջոցներ**  
**Կարմիր ալոճ (доарышник)** - 2 ճաշի գդալ չոր պտուղները մանրացնել ու վրան 1,5 բաժակ եռացրած ջուր լցնել: Երեք անգամից ընդունել՝ ուտելուց 30 րոպե առաջ: Օգտագործել նյարդային համակարգի գրգռվածության ժամանակ:  
**Կատվախոտ** - 1 ճաշի գդալ

չոր մանրացրած արմատներին ավելացնել 1 բաժակ եռջուր, լցնել թերմոսի մեջ եւ գիշերը թողնել: Ընդունել 1-ական ճաշի գդալ, օրը 3-4 անգամ: Չափից ավելի գրգռվածության դեպքում թուրմ ընդունել 3 անգամ, յուրաքանչյուր անգամ խմելով մեկ երրորդ բաժակ: Կատվախոտը 2 ամսից ավելի չի կարելի ընդունել, կարող են գլխացավեր առաջանալ:

**Առյուծագի (пустырник)** - 15 գրամ խոտի վրա լցնել 1 բաժակ եռացրած ջուր: Ընդունել 1-ական ճաշի գդալ, օրը 3-4 անգամ:

ԹԵՎԱՎՈՐ ՄՏՔԵՐ

Մայրը միշտ մայր է, որդիք են տարբեր:  
**ՊԱՐՈՒՅՐ ՍԵՎԱԿ (1924-1971)**  
Հայ գրող  
Ո՛վ սեր, ո՛վ կա, որ քո ուժին չստրկանա, որ քո առաջ տարիքի նման չմատուցի սրտի գահը, իբրեւ հառաչ:  
**ԱԼԵՔՍԱՆԴՐ ԵՎԱԿՍԿԱՅԵ (1786-1846)**  
Վրաց բանաստեղծ  
Մտածողությունը մեծ արժանիք է, եւ իմաստությունը նրանում է, որպեսզի ասվի ճշմարտություն:

նը եւ, որպեսզի ունկնդրելով բնությանը՝ նրա հետ վարվեն համապատասխան ձեւով:  
**ՀԻՊՈԿՐԱՏ (մ.թ.ա. 460-մ.թ.ա. 356)**  
Հնադարյան հույն բժիշկ  
... Պարզությունը խոսքի գլխավոր արժանիքն է:  
**ԱՐԻՍՏՈՏԵԼ (մ.թ.ա.384-մ.թ.ա.322)**  
Հռոմեացի փիլիսոփա  
Ինչ չի սերմանել գարունը, այն չի աճեցնի ամառը, չի հնձի աշունը եւ չի ճաշակի ձմեռը:  
**Յոհան Գերդեր**

(1744-1803)  
**Պերմանացի փիլիսոփա**  
Մեր գիտակցությունը ձուլվել է գործունեության ձեւով:  
**ԱՆՐԻ Բերգսոն (1859-1941)**  
Ֆրանսիացի փիլիսոփա  
Տղեք ջա՛ն, եթե ընտանիքում ձեւավորվում է կոնֆլիկտային իրավիճակ, միանգամից ինքներդ ձեզ հարց տվեք. ուզում եք լինել ճի՛շտ, թե՞ երջանիկ:  
**Վ.Բ. «Վրաստանի» ընթերցող**

2 Ս՞ Ի . ձ Ի Ս՞ Ծ

րում է տարեց հիվանդին:  
- Դուք աստիճանաբար կորցնում եք խողովրդից եւ այդ ընթացքը դանդաղեցնելու համար դուք պետք է դադարեցնեք ծխելը, ոգելից խմիչքներ օգտագործելը եւ կառավարելու առիթ տալ: Ես շատ զգույշ կլինեմ: Ես միայն կխնդրեմ նրան, որ իր կտակը գրի:  
\* Բժիշկը բացատրեց:

այն բանի համար, որ խողովրդից մի քիչ լավանա:  
\* Հոգեբույժը դուրս է գրում հիվանդին.  
- Ես սրտանց շնորհավորում եմ ձեզ: Այսպիսի առաջընթաց՝ այսքան կարճ ժամանակում:  
- Բժի՛շկ, կես տարի առաջ ես Նապոլեոնն էի, իսկ հիմա՝ ոչ ոք... Եվ դա դուք առաջընթաց եք համարում:  
- Եվ այդ ամենը միայն

\* Բժիշկը գնում է հիվանդին: Հիվանդը հարցնում է.  
- Բժի՛շկ, ես ուզում եմ ծշմարտությունն իմանալ: Խոստանում են ուժեղ լինել... Ուղղակի ասեք. ես շուտով աշխատանքի՞ պետք է գնամ:  
\* - Սիրելի՛ս, չգիտե՛ս, թե որ դարակում է՝ «Ինչպես ասարել 100 տարի» գիրքը:  
- Ես այն այրել եմ: Քո մայրն էր ուզում դա կարդալ:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍԱՆԻ», ԱՐՄԵՆՊԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊԵՍԻ ՆՅՈՒԹԵՐՈՎ

ԱՐՑԱԽԸ ՆՇԵՑ ԼՂՅ-Ի ՀՈՉԱԿՄԱՆ 24-ՐԴ ՏԱՐԵԴԱՐԶԸ

Ընթացիկ տարվա սեպտեմբերի մեկին Լեռնային Ղարաբաղի Հանրապետությունը նշեց անկախության հռչակման 24-րդ տարեդարձը:

Աշխատանքային այցով Լեռնային Ղարաբաղի Հանրապետությունում գտնվող Հայաստանի նախագահ Սերժ Սարգսյանը Ստեփանակերտում տիկին Ռիտա Սարգսյանի հետ մերկա գտնվեց Վերածննդի հրապարակում ի հիշատակ Հայոց ցեղասպանության զոհերի եւ հայկական երկու պետությունների անկախության համար իրենց կյանքը նվիրաբերած սուրբ նահատակների կայացած՝ Ջուզեպպե Վերոլի «Ռեքվիեմ» ստեղծագործության արցախյան պրեմիերային:

արցախահայության եւ արտերկրից ժամանած հյուրերի հետ Վերածննդի հրապարակից հանդիսավոր քայլերով այցելել է Ստեփանակերտի հուշահամալիր՝ հարգանքի տուրք մատուցելու Արցախի անկախության համար զոհված հայորդիների հիշատակին, ծաղիկներ դրել ԼՂՀ Գերագույն խորհրդի առաջին նախագահ Արթուր Մկրտչյանի եւ արցախյան ազատամարտի նահատակների շիրիմներին:



համալսարանի Շուշիի մասնաճյուղի նորակառույց համալիրի բացմանը: Ստեփանակերտում Սերժ Սարգսյանը եւ Բակո Սահակյանը մասնակցել են ԹՈՒՄՈՒՅԲԸՍ ստեղծարար տեխնոլոգիաների կենտրոնի բացմանը:

Տոնական միջոցառումների շրջանակներում Սերժ Սարգսյանը, ԼՂՀ նախագահ Բակո Սահակյանի հետ միասին, ներկա է գտնվել նաեւ Հայաստանի ազգրարային

ՄԵՃԱՅՎԵՑ ԱԶԱՅԻՆ ԱՆՎՏԱՆԳՈՒԹՅԱՆ ԽՈՐՀՐԳԻ ՆԻՍՏ

«Շանթ-2015» ռազմավարական հրամանատարաշտաբային զորավարությունների շրջանակում Հայաստանի նախագահ, Հայաստանի ազգային անվտանգության խորհրդի նախագահ Սերժ Սարգսյանը սեպտեմբերի 3-ի երեկոյան հրավիրեց ՀՀ ազգային անվտանգության խորհրդի պայմանական նիստ՝ տեղեկացնելու վերջին օրերին Հայաստանի շուրջ ըստ զորավարությունների սպեարի, ծավալվող իրավիճակի մասին: Նիստում լսվեց ազգային անվտանգության խորհրդի անդամների՝ խաղարկային իրավիճակի բխող զեկույցները եւ առաջարկությունները: Զորավարությունների սպեարից բխող հանցնարարականներ տրվեցին համապատասխան պետական մարմիններին:

ԵՎՐՈՊԱԿԱՆ ԱԶԱՏ ՂԱՇՆԵՐԻ ՊԱՏՎԻՐԱԿՈՒԹՅՈՒՆԸ ԱՐՑԱԽԻՄ

Արցախի ժողովրդավարական կուսակցության հրավերով այս օրերին Ստեփանակերտում են եվրոպական ազատ դաշինքի նախագահ Ֆրանսուա Ալֆոնսին եւ եվրախորհրդարանի, ԵԱԴ անդամ Զորդի Սեբաստիան: Այս շրջանակներում ԵԱԴ պատվիրակությունը հանդիպումներ ունեցավ ԼՂՀ իշխանության եւ հասարակական կառույցների ներկայացուցիչների հետ, մասնակցեց Արցախի անկախության տոնին նվիրված միջոցառումներին:

ԼԵՎՈՆ ԱՐՈՆՅԱՆԸ ԿՍԱՍՆԱԿՑԻ ԲԱԶՎՈՒՄ ԱՆՎՏԱՅՎՈՂ ՄՐՁԱՆԵՐԻՆ

ԱՄՆ-ի Սենթ Լուիսի սուպերմրյաչարի հաղթող Լեւոն Արոնյանը մեկնաբանել է առաջիկայում Բաքվում կայանալիք շախմատի Աշխարհի գավաթին իր մասնակցությունը: «Մեկ շաբաթից մեկնում եմ Բաքու, իսկ Աշխարհի գավաթից հետո կխաղամ արագ շախմատի Աշխարհի առաջնությունում, որը տեղի կունենա Բեռլինում: Երաժիշտները, արվեստի տարբեր ճյուղերի ներկայացուցիչները գալիս են Ադրբեյջան, մարդիկ, ովքեր բերում են խաղաղություն, եւ ես պատրաստվում եմ հեղեղել նրանց օրինակին: Կիրոնքն ցույց տալ, որ ես հարգում եմ հարեւան երկրին, գործի դնել շախմատում իմ լավագույն կարողությունները եւ հաճույք պատճառել տեղի երկրպագուներին»,- հայտարարեց հայազգի գրոսմայստրը:

ԾԱԽՍԱԾ ԷԼԵԿՏՐՈՒԵՆԵՐՔԻԱՅԻ ՍԱԿԱԳԻՆԸ ԿՆԿԱԶԻ



Օգոստոսի 31-ին կայացած Հայաստանի կառավարության նիստում վարչապետ Չոլիկ Աբրահամյանը հայտարարեց. «Առաջին եռամսյակում, ըստ ծրարված տվյալների, ունեցել ենք ՀՆԱ-ի 2,5 տոկոս, իսկ երկրորդ եռամսյակում՝ 5,1 տոկոս տնտեսական աճ, արդյունքում ունենք շուրջ 4 տոկոս կիսամյակային տնտեսական աճ: Համեմարարում են տնտեսության ոլորտի բոլոր գերատեսչություններին՝ համրությանը մամրամասն ներկայացնել կիսամյակի տնտեսական արդյունքները»:

Նիստում որոշում է ընդունվել 2015թ. օգոստոսի 1-ից մինչեւ էներգետիկայի բնագավառում կարգավորման խորհրդատվական ծառայության արդյունքների ստացումը, սպառած էլեկտրական էներգիայի մասով՝ ս.թ. օգոստոսի 1-ից գործող սակագները մեղմացնելու համար բնակչության (ամսական սպառված ամբողջ էլեկտրաէներգիայի մասով) եւ 0,38 կՎ լարմամբ՝ ամսական մինչեւ 500 կՎտ էլեկտրական էներգիայի սպառում ունեցող այլ սպառողների (ամսական մինչեւ 250 կՎտ էլեկտրական էներգիայի սպառման մասով) օգտին վճարել սուբսիդիաներ 6,93 դրամ/կՎտ չափով: Հոլիկ Աբրահամյանը նշել է. «Հանրապետության նախագահի հետ այսօր առավոտյան քննարկել ենք նաեւ փոքր եւ միջին ձեռնարկատերերին աջակցելու հարցը եւ որոշում ենք կայացրել կառավարություն ներկայացնել այս նախագիծը, որով փորձում ենք լուծել նաեւ ՓՄՁ-ների հարցը»: Վարչապետի խոսքով՝ հոսանքի դիմաց նրանց ծախսած 6,93 դրամ հավելավճարը կփոխատուցի կառավարությունը՝ մինչեւ խորհրդատվության ավարտը:

ՀԱՅԱՍՏԱՆՈՒՄ ՄԵԿՆԱՐԿԵՑ ՆՈՐ ՌԻՍՈՒՄՆԱԿԱՆ ՏԱՐԻՆ

40 ՀԱԶԱՐ ԱՌԱՋԻՆ ԴԱՍԱՐԱՆՑԻՆԵՐ ԵՎ 10 ՀԱԶԱՐ ԱՌԱՋԻՆ ԿՈՒՐՍԵՑԻՆԵՐ

Գիտելիքի, գրքի եւ դպրության օրը՝ սեպտեմբերի 1-ը, յուրահատուկ իրադարձություն է: Տոն, որին անհամբերությամբ սպասում են շատերը:

Սեպտեմբերի 1-ին Հայաստանում 40 հազարից ավելի փոքրիկներ առաջին անգամ ուղբ դրեցին դպրոց: Նախորդ տարի առաջին դասարանցիների թիվը 38 հազար է եղել: «Այս օրը հիշարժան է բոլոր աշակերտների, մասնավորապես, առաջին դասարանցիների համար, ովքեր իրենց ուսուցիչների ուղեկցությամբ առաջին անգամ կմտնեն դպրոց՝ գարնանահրաշ մի աշխարհ, որը տարիների ընթացքում կդառնա նրանց համար անչափ հոգեհարազատ, սիրելի ու անմոռանալի մի վայր,

որն ամբողջ կյանքում կոչելու են «իմ դպրոցը»,- շնորհավորելով դպրոցականներին՝ նշեց Հայաստանի կրթության եւ գիտության նախարար Արմեն Աշոտյանը: Օրը պակաս տոնական չէ նաեւ այն պատանիների եւ երիտասարդների համար, ովքեր առաջին անգամ բացեցին բուհերի դռները: Հայաստանի ավելի քան 10 հազար երիտասարդներ սեպտեմբերի 1-ին առաջին անգամ ուղբ դրեցին բարձրագույն ուսումնական հաստատություններ: Սեպտեմբերի 1-ի առթիվ Հայաստանում ավանդաբար անցկացվեցին տարա-



տեսակ միջոցառումներ եւ իրադարձություններ: Միջոցառումների նպատակն էր նոր ուսումնական տարվա սկիզբը տոն դարձնել բոլորի համար եւ ուսման նկատմամբ առաջացնել հետաքրքրություն:

ՎԱԽՆԱԿԵԼ Է ԳԵՆԵՐԱԳՆԴԱՊԵՏ ԳՈՒՐԳԵՆ ԴԱԼԻԲԱԼԹԱՅԱՆԸ



Նշանավոր պետական եւ ռազմական գործիչ, Հայաստանի զինված ուժերի կայացման առաջամարտիկ, գեներալ-գնդապետ Գուրգեն Դալիբալյանը 2015թ. սեպտեմբերի 1-ին կնքել է իր մահկանացուն: Գուրգեն Հարությունի Դալիբալյանը ծնվել է 1926թ. հունիսի 5-ին Վրաստանում՝ Բոգրանովկայի (այժմ՝ Նինոծմինդա) շրջանի Մեծ Արագյալ գյուղում: 1934-44թթ. սովորել է Գորելովկայի միջնակարգ դպրոցում: 1947-ին ավարտել է Թբիլիսիի հետեւակալին ուսումնարանը: 1958-61թթ. սովորել է Մոսկվայի

Մ.Ֆրունզեի անվան զինվորական համազորային ակադեմիայում: 1947-1991թթ. ծառայել է ԽՍՀՄ զինված ուժերում: Ջբաղեցրել է մի շարք հրամանատարական պաշտոններ: Հայաստանի համար բախտորոշ ժամանակաշրջանում՝ 1991թ.-ին, Գուրգեն Դալիբալյանը հայրենիքի կանչով եկել է Հայաստան եւ զինվորագրվել է Հայաստանի Հանրապետության ազգային բանակի կազմավորման բարդ ու դժվարին գործին: 1991-1992թթ. զբաղեցրել է Հայաստանի զինված ուժերի գլխավոր շտաբի պետ-ՀՀ պաշտպանության նախարարի առաջին տեղակալի, 1992թ. օգոստոսից մինչեւ 1993թ. սեպտեմբեր՝ ՀՀ պաշտպանության նախարարի տեղակալի պաշտոնները: 1992թ. ՀՀ նախագահի հրամանագրով Գուրգեն Դալիբալյանին շնորհվել է գեներալ-լեյտենանտի, իսկ 1996թ.-ին՝ գեներալ-գնդապետի զինվորական կոչում: 1993-2006թթ. զբաղեցրել է ՀՀ նախագահի գլխավոր խորհրդակցի, իսկ 2000-2006թթ.՝ Գլխավոր ռազմական տեսուչի պաշտոնները: Հայրենիքը բարձր է գնահատել նրա ծառայությունները: Նրա զինվորական վաստակի գնահատականն են այն բազմաթիվ պետական եւ զերատեսչական պարգևները, որոնց արժանացել է գեներալ-գնդապետ Գուրգեն Դալիբալյանը: 2001թ.-ից Ախալքալքի շրջանի Ազանայի միջնակարգ դպրոցը կոչվում է Գուրգեն Դալիբալյանի անունով:

Կյանքի վերջին տարիներին էլ Գուրգեն Դալիբալյանը շարունակում էր իր հարուստ փորձը ներդնել զինված ուժերի հետագա զարգացմանը: Նա իրեն ճանաչողների եւ զինակից ընկերների հիշողության մեջ կմնա որպես հայրենիքի իսկական նվիրյալ զինվոր, համեստ ու պարկեշտ մարդ եւ քաղաքացի: Կանգնած լինելով հայոց բանակի կազմավորման ակունքներում՝ Գուրգեն Դալիբալյանը միշտ կհիշվի որպես հայրենիքի անկախության պաշտպանի եւ բանակի կայացման առաջամարտիկներից մեկը: Գեներալ-գնդապետ Գուրգեն Դալիբալյանը սերտ կապեր էր պահպանում իր ծննդավայրի՝ Վրաստանի հետ: Նա պարբերաբար մասնակցում էր Նինոծմինդայի շրջանի Գանձա գյուղում անցկացվող Տերյանական պոեզիայի օրվա, Ախալքալքի շրջանի Կարծախ գյուղում՝ Ջիվանու ավանդական տոնակարատություններին, վիրահայ համայնքի կողմից կազմակերպվող մյուս միջոցառումներին: «Վրաստան» թերթը խորապես վշտակցում է ախալքալքցիներ Վլադիմիր Ալեխիշվիլուն եւ Էդուարդ Աղասարյանին՝ քեռու եւ պապի՝ Գուրգեն Դալիբալյանի մահվան կապակցությամբ եւ ցավակցություն հայտնում հանգուցյալի հարազատներին ու մերձավորներին

05.09.2015. Նիկիայի Սուրբ ժողովի 318 Հայրապետների հիշատակության օր

ՍԵՂՏԵՄԲԵՐ



Քրիստոսի Եկեղեցու պատմության մեջ առաջին Տիեզերական ժողովը տեղի է ունեցել 325 թվականին, Կոստանդիանոս Մեծ կայսեր հրամանով, Կ.Պոլսի մոտ գտնվող Նիկիա քաղաքում: Ժողովին մասնակցում էին Ընդհանրական Եկեղեցու 318 նշանավոր հայրապետները: Նիկիայի Ա Տիեզերաժողովին մասնակցում էր նաև Սբ. Գրիգոր Լուսավորչի որդին՝ Արիստակեսը: Ժողովի ընդունած դավանաբանական բանաձևը, որը հայտնի է Նիկիական հանգանակ անունով, Սբ. Արիստակես Հայրապետը Հայաստան է բերել, ներկայացրել հորը՝ Սբ. Գրիգոր Լուսավորչին: Վերջինս էլ դրան ավելացրել է «Իսկ մեք փառալուծեցուք...» հատվածը: Նիկիայում ընդունված Հավատո հանգանակն ու Լուսավորչի ավելացրած հատվածը մինչև այսօր էլ անփոփոխ օգտագործում են Հայ Եկեղեցու ծիսակարգում: Արիստակեսն իր հետ Հայաստան էր բերել նաև Նիկիայի ժողովում ընդունած 20 կանոնները, որոնք նույնպես հաստատվել են Սբ. Գրիգոր Լուսավորչի կողմից:

06.09.2015. Բարեկենդան Սուրբ Խաչի պահոց

Բարեկենդանը պահքին նախորդող կիրակին է, որը նվիրված է տաղավար տոներից մեկին՝ Խաչվերացին եւ տեսում է երկուշաբթիից մինչև շաբաթ:

13.09.2015. Խաչվերաց

Խաչվերացը Հայ Եկեղեցու հինգ տաղավար տոներից վերջինն է: Այն Խաչին նվիրված տոներից ամենակարևորն է, որովհետև նվիրված է գերությունից Խաչի վերադարձի եւ փառաբանության հիշատակին: Հայաստանյայց Եկեղեցուն Խաչվերացը տոնում են սեպտեմբերի 11-17-ն ընկած ժամանակահատվածում հանդիպող կիրակի օրը:

Ընդհանուր առմամբ՝ Խաչվերացը կան «Սըրբխեչը» աշնան սկիզբը խորհրդանշող ուրախ տոն է: Շատ տեղեր Խաչվերացը՝ «Սըրբխեչը», ընկալում են որպես աշնանամուտ:

Խաչվերացի հաջորդ օրը մեռելոց է: Այդ օրը եկեղեցիներում մատուցվում է Սբ. Պատարագ, կատարվում է հոգեհանգստյան կարգ, որից հետո այցելում են հանգուցյալների շիրիմներին:

ՏԱՐԵՐՔԻՑ ՀԵՏՈ

ԿԵՆՂԱՆԱԲԱՆԱԿԱՆ ԱՅԳԻՆ ԿԲԱՑՎԻ ՍԵՂՏԵՄԲԵՐԻ 13-ԻՆ

Ինչպես հայտարարեց Թբիլիսիի կենդանաբանական այգու տնօրեն Ջուրաբ Գուրիելիձեն, կենդանաբանական այգու մի մասն արդեն վերականգնվել է, եւ այն կրացվի սեպտեմբերի 13-ին:

Տնօրենի խոսքերով, կենդանաբանական այգին կազմված էր երեք յարուսնե-րից, որի ամենաստորին հատվածը ջրիեղեղի արդյունքում լրիվությամբ ոչնչացվել է: Անդրադառնալով նոր կենդանաբանական այգու շինարարության թեմային, Ջուրաբ Գուրիելիձեն նշեց, որ նոր այգու տարածքի շրջափակման համար քաղաքապետարանը հատկացրել է 2 միլիոն լարի, իսկ ինչ վերաբերում է անմիջականորեն կենդանաբանական այգու

շինարարությանը, ապա այն չի սկսվել: «Ներկա դրությամբ, չի հաստատվել նաեւ նոր կենդանաբանական այգու նախագիծը: Ներկայումս ակտիվ աշխատանք է տարվում դոնոր միջազգային կազմակերպությունների եւ Վրաստանի կառավարության հետ համապատասխան ֆինանսների ապահովման ուղղությամբ»,- հայտարարեց Գուրիելիձեն եւ հավելեց, որ, ենթադրաբար, նոր կառույցի համար կպահանջվի 50-60 միլիոն եվրո:

ՖՈՒՏԲՈԼ

ԱՌԱՋՆԹԱՅՑ ՎԱՐԿԱՆԻՇԱՅԻՆ ԱՂՅՈՒՍԱԿՈՒՄ

Ֆուտբոլի միջազգային ֆեդերացիան (ՖԻՖԱ) հրավարակել է ազգային հավաքականների վարկանիշային հերթական աղյուսակը:

Նոր սանդղակում, թե՛ Վրաստանի եւ թե՛ Հայաստանի հավաքականները նկատելի առաջընթաց են գրանցել: Վրաստանի թիմը, իր դիրքերը բարելավելով 7 հորիզոնականով, ներկայումս զբաղեցնում է 147-րդ տեղը: Հայաստանի հավաքականը, 5 հորիզոնականի առաջադիմությամբ, հանգրվանել է 83-

րդ հորիզոնականում:

Ազգային հավաքականների լավագույն եռյակն անփոփոխ է՝ Արգենտինա, Բելգիա, Գերմանիա: Լավագույնների շարքում են նաեւ Կոլումբիան, Բրազիլիան, Ռուսիան, Չիլին, Ուելսը եւ Անգլիան:

Ռուսաստանը զբաղեցրել է 32-րդ տեղը, Ադրբեյջանը 110-րդն է:

Նշենք, որ երեկ, սեպտեմբերի 4-ին Վրաստանի եւ Հայաստանի հավաքականները, Եվրոպայի 2016 թվականի առաջնության ընտրական մրցաշարի շրջանակներում, անցկացրին հերթական համդիպումները: Վրաստանի հավաքականը հյուրընկալեց Շոտլանդիայի հավաքականին, իսկ Հայաստանի ազգային ընտրանին մրցակցի դաշտում ուժեղը չափեց Սերբիայի հավաքականի հետ:

ՍԱՀՄԱՆԱԳԻԾ

ԱՎՏՈԿՈՒՏԱԿՈՒՄՆԵՐ ՎՐԱՅ-ՌՈՒՍԱԿԱՆ ՍԱՀՄԱՆԱԳՇՈՒՄ



Վրաստանի ՆԳ նախարարությունը հաստատել է այն տեղեկատվությունը, ըստ որի՝ վրաց-ռուսական «Ղազբեգի-Վերին Լարս» մաքսային անցակետում կուտակվել են բավական թվով բեռնատար մեքենաներ: Նշենք, որ վերոնշյալ մաքսային անցակետը, ներկա դրությամբ, միակ գործող պաշտոնական անցակետն է Վրաստանի եւ Ռուսաստանի ցամաքային սահմանագծում:

Ինչպես նշեցին ՆԳ նախարարության հասարակության հետ կապի դեպարտամենտում, վրացական կողմից հիմնախնդիրներ չեն ծագել: Բեռնատարները չեն հասցում անցնել ռուսական սահմանագիծը: Ինչ վերաբերում է ուղեւորատար մեքենաներին, ապա, դրանց շարժումը իրականացվում է սովորական պայմանակարգով:

Միջազգային բեռնափոխադրումների ասոցիացիայի նախագահ Հերբերտ Համբարձումյանը, մեկնաբանելով

մեքենաների կուտակումների մասին տեղեկատվությունը, նշեց, որ Վերին Լարսում հայկական բեռնատարների կուտակումներն արդեն երկու տարի սովորական երեւոյթ են դարձել: Մեքենաների կուտակման հիմնական պատճառը Թուրքիայից ավտոմեքենաների հոսքի ավելացումն է, ինչի հետեւանքով հերթեր են առաջանում:

Նրա խոսքերով՝ խնդրով հետաքրքրվել են Հայաստանի իշխանությունները: «Մեր վարչապետը Ռուսաստանի իր գործընկերոջն առաջարկել է Վերին Լարս անցակետում ավելացնել աշխատակիցների քանակը կամ առանձին պատուհան բացել Եվրասիական տնտեսական միության անդամ երկրների բեռնափոխադրողներին սպասարկելու համար»,- ասել է Հերբերտ Համբարձումյանը:

Ստացված տեղեկատվությամբ, Ռուսաստանն սկզբունքորեն ընդունել է Վերին Լարս անցակետում հայկական բեռնատարների կուտակումների խնդրի կարգավորման հայկական կողմի առաջարկները:

ՇՆՈՐՀԱՎՈՐՈՒՄ ԵՆՔ, ԱՆԺԵԼԱ ԵՎ ՊԱՍՏԱ

Վրաց աշխարհահռչակ օպերային երգիչ Պաստա Բուրճուլաձեն ամուսնացել է: Նա քաղաքացիական 12-ամյա ամուսնությունից հետո անցյալ շաբաթ պաշտոնապես ձեւակերպեց իր հարաբերությունները Անժելա Վասիլենկոյի հետ: Նշենք, որ զույգը եկեղեցական պսակադրության արարողությունն անցկացրել էր տասը տարի առաջ, եւ այժմ ամուսնությունը ձեւակերպվեց իրավաբանորեն: Արարողությունը անցկացվեց Թբիլիսիում, Քուռ գետի լաստանավի վրա:



6x6 grid with numbers 1-58 in various cells.

Large advertisement for 'VRASTAN' with text in Armenian and Georgian, including contact information and a list of services.

Advertisement for 'VRASTAN' with contact info: 0105 4.Աթոնելի փ. 5 Հեռ. 2990-739, 2990-774 www.vrastan.ge

Advertisement for 'VRASTAN' with contact info: 0105 4.Աթոնելի փ. 5 Հեռ. 2990-739, 2990-774 www.vrastan.ge

Advertisement for 'VRASTAN' with contact info: 0105 4.Աթոնելի փ. 5 Հեռ. 2990-739, 2990-774 www.vrastan.ge

Advertisement for 'VRASTAN' with contact info: 0105 4.Աթոնելի փ. 5 Հեռ. 2990-739, 2990-774 www.vrastan.ge